

MANTISSA.  
DOMINO AUGUSTISSIMO POTENTISSIMO  
JOANNI SAXONIAE REGI  
SEDEM NOVAM LIPSIAE CAPESSITURO  
DIE XIX. M. JANUARIII A. MDCCCLXII.

Valetudo regia Lipsiensium exspectationem fefellit nec potestas fuit tradendi  
carminis.

Omnes hendecasyllabi venite,  
Ac quem diligimus sonate REGEM,  
JOANNEM resono sono sonate.  
Huc mentes meate, Lipsienses,  
Heus, REX ipse venit novam capessens  
Sedem cumque duobus advenit REX  
FILIIUS pater ad suos amatus  
LIPSIENSES et ipse Lipsiensis.  
Vos adeste per aërem volantes,  
Alites, vigiles per omne tempus  
Custodes DOMINI domusque REGIS,  
Et vestris celebrate cantilenis  
JOANNEM DOMINUM duosque REGIS  
ALBERTUMque GEORGIUMque natos,  
Custodite tueminorque rostris,  
Phoebi de pharetra dei petitis,  
Nostrates Academicos foventis.  
Vos ex arboribus sonate GENTEM  
AUGUSTAM numeris modisque vestris,  
TOTAM concelebrate saepe GENTEM,  
Spemque Saxoniae decusque nostrum,  
Semper auspiciis bonis futuram.  
Salve REX et ave, nova potite  
Regia geminique avete FRATRES,  
Felicis comites PATRIS fideles.  
Sic Vos Lipsia laeta Lipsienses

Faustis ominibus salutat ultro  
Et novos dominos domus novae VOS  
Antiquae Libonotriae potentes  
Ad Plissam DOMINOS suos vetustos  
In suo recipit sinu fovendos.  
VOS salvos faciat Deus domumque.

POST MORTEM

SIDONIAE

JOANNIS REGIS AUGUSTISSIMI FILIAE CELSISSIMAE

PRAEMATURA MORTE PIE DEFUNCTAE

KALENDIS MARTIIS A. MDCCCLXII.

Haec cecini cognitis lamentationibus lacrimisque Lipsiensium utriusque sexus  
omnisque ordinis communi subscriptione dandas epistolas consolatorias ad Regem  
mitti volentium commotus.

HENDECASYLLABI.

Saxones, juvenes viri senesque,  
Quos sub Rege juvat vigere nostro  
Regiaeque domus amore jungi,  
Praestantis patriae beatitatem,  
Vos omnes cupio venire mecum,  
Quo communis amor venire gestit,  
Magno Saxoniae dolore motus.

Quo vos corde velim ciere, cives,  
Vobis non mea cantilena primum  
Dicit, sed mage vestra corda dicunt,  
Testes sunt lacrimis genae madentes.

Flos nostrae patriae, puella bella  
Et virtutibus omnibus decora  
Regisque Parentibus Domoque  
Post tot tristia fata filiarum  
Spem SIDONIA, pro dolor! fefellit  
Sublimisque abiit sub alta caeli.

Cives attoniti dolore tanto,  
Qui Matremque Patremque Liberosque  
Afflictos subitaneo dolore  
Concussis animis doletis omnes,  
Omnes absque mora venite Dresdam  
Mecum aut mittite nuncios amoris,  
Vestrum testificamini dolorem.

Communis dolor allevat dolorem  
Corque deliciis carens amoris,  
Atque vulnere saucium repente  
Et desiderio piae Puellae,  
Augetur lacrimis amoribusque  
Luctum victor amor levare gaudet.

Nobiscum Deus est, videns amantes  
Audiensque pias preces  
Pro JOANNE bono pioque Rege  
Reginaque suam dolente natam,  
Consili sociam Suaeque sortis,  
Pro totaque Domo dolente caram.  
Hic suo foveat sinu beatam  
Ac servet Dominum Domumque Celsam  
Et tristi vigeat levata casu  
Multis floribus aucta in omne saeculum!